

SETA NEOEI

NO. 255

Miguani Salualijiti

7, 1908

Le Messenger Micmar

The Micmar Messenger

Petit Journal publié par le R. P. Pacifique, Missionnaire, à Sainte-Anne de Ristigouche, P. Q. No. 255. 6 juillet. 1908]



Yearly Subscription 50 cents; Single Copies, 5c. Address all communications to Rev. F. Pacifique, Restigouche, P. Q.

PATLIASEOEI GELOSOAGAN

Netna nin teli glohnög, nitjantjittog, ola ogsoato'go, etamolög, ein tepetog milamogol agnotemaganel tanel tetli oigasigel mo na mset gisi oigemoanel. meta mo mset tami eimo; gileo teli agnotemat'ög. Ag mogt oen anaste-moitj tan telogigasigel, meta mo mset tami gasigio neogte telisimeg elnoega-tig; istege pa oentjoigtog gisna agla-sieoigtog, mo neogte telisimeg mset tami, tjtj'goaga gisi anastemenes, tan piloei tami oelising gisna oeloig'gemg, gato mögoe tali eltetememeg, getjitasig ögo.

Ola nige tepgenoset, nitjantot tan igag setaneoimgel, negem maol olmetög gogomitjino otepgenosetemel, siaoi pmi llemtögoalat tan teli olelos otösin oeli olimgosilitjel Malial ag otjtjir gtjisa-peoilitjel Oestaolgol. Oli pestieoalaten mset tami. Tapogol nigetj sapeoigel oaganteoel molsai gegonemegel ag gepuitemegel, negtetjg eta Setang Iis-togotjg ag neogtetjg sapeoigel menigeg onamagig. Lög eta megitetasigel oegela tanel nenemeg ola oetjlagel npl-tanögemigtog tar tetepögtjalasenei Malitjitel. Giseig ogoitjel. Tögo Iis-togotjg oetjategemg goeltamolimg 17 tes. tepp. pesonateg tesogonag teli mesoi alalotmanng ilaltingeoeigtog ag tan telpitag agantieotl pemi gsi pestieoimgel, misög) loeolimgeoei teng. 2 itj, tan totjio Iisig mesig Panaseoei apigsigtoaganngisgeg. Tes oen pisgoat ag tictöj ag apij pisgoatj alalotmögö-ömög ag tetli alalotmelseoatjel tot'nel papeoilitjel, tes pa gisi otjatög nitjtj-agamitjoei oetjoagamaltimgeoei otjit negem, gisna otjit gsispasoeigatig ep-oltilitji.

Oegela ap gtegel pestieoimgel ola tepgenoset igagal: 2 Mali emitogoal-aseenel Elisapetal, 4 listogotjg ag ges-gapegtlag soneoimg; 5 Oestaolng omai-tem petjmi mgitetasig nenoitetemeg, ag listogotjg mesig alames apostaleot-tjig tlei Piel ag Pöl; 12 Alasotmögöo-mel nenoitetemegel; 14 S. Ponapentel, 19 Sesos ogqam lamon, 22 Mali Matlen 25 Sag apostaleoit.

Epit pöpanimoet tan teleg oen pig-oeelnitj ogolnigena, meta teloatitjig mimatjainog mögoe oelianog.

Ansema mögoe oelianog oen teleg ag mögoe geginamoagoi, telitasit ögo ot-angoeioan ag oginamoan tanel eqle-tjilitjel, ongigoa nepelitga gisna mö-goe tali eltelmalitga; sgato oli an-goeiot mitjoatjiti ongigoigtog gisna ogegonsgomel, mögoe atjgenenog oen pigoelnitji ogolnigen.

AGNOTEMAGANEL

(News)

OEGOGMAG ONAMAGIG. Piel So-let nepg nanogoniliteg ogtetjgeoei tep-genoseliteg, tetotjegag 17, sag gesino-goatag tapoipongeg tan mo gisi log-ocoga ag neotipongeg teli pgtjisingag tan ompögnega, gato oelamogetag el-patosag oamtagiegsimgetag ag gagisg patliasa nemittitita teli pgtjji gsinog-atja, gagi msengeg tan tesig gtjal-sotmagen.

Goeltamoltimegeg pegisingeg gotjino patliasa Migpasena tapognag teli pgt-gatga oelago alames ag gisgog (14 itj piel. tepp.) gegentioimg mesig geta-pegiasig, pigoelg mimatjaino gisi pag-pogoeta ag gisi gemnieoita ag gelolge-gotjino teli nsetolminametja, geginoa-toinamegag sapeoig nisgameoi Neso-sotia tan maol mtoeg gspagalalotia nsetamenena.

PIGTOG sagmao Matieo Plansoe tel-agnetemoet. Nin otjtjigiegag opitag Oes-taolgol otjtjagmitja oigotemata ag ge-lolgeg tan telogöogosit Oestaolng na-gepemel gisi logogöoata ag maol os-geoittegeg natji nemian mesta gisite-gelitjel; teloisitag Malian Teni, tjinem teloisit Solian Teni oigmatjio; ola tep-genoset nesogonitega.

Na totji pegisinep notanmga listo-gotjtjig oetjitel; tlei emitogomgep Piel Tjolin sagmao nat oagnega, ag maol gsatemeg tan teloetjijtjega ag maol-metotitjig osgitjinogoa. Ag oelnepöt nemetj nigenipga, gelolng telatagati-tjig nemetjogöoinogoa; tjel nin ngoisg apgoitametjig ag oelnepatitga petjgoa ag notgoeig elpatotjga, gisigoit teto-tjeg 12, maltjeoetj 7 tesponat.